






[Faint, illegible handwritten text, possibly bleed-through from the reverse side of the page.]































1619
37. Paris 1712.
8
HISTOIRE

ESTRANGE

DE SEPT FAVX TESMOINS
& Calomniateurs en crimes d'Impieté,
Blasphemes execrables, Heresies, &
Crime de leze-Majesté Diuine & hu-
maine.

*Qui ont esté exemplairement executez
à mort en la place publique de la
ville d'Aix.*

Par Arrest du Parlement de Prouence, donné
contre eux le 15. Auil. 1619.

*Ensemble un Reglement de ladicte Cour contre les abus
qui se commettent par les iuges subalternes aux
Procedures Criminelles.*

A PARIS,

louxte la coppie Imprimée à AIX par JEAN
THOLOSAN, Imprimeur ordinaire du
Roy & de ladicte ville.

M. DC. XIX.

AVEC PERMISSION.

*voir Brunet à: Vrain-exécution
(suppl. de Brunet)*

UNIVERSITY OF CHICAGO
LIBRARY

1892

Case

F

39

326

1619h

THE NEWBERRY

LIBRARY



HISTOIRE ESTRANGE

de sept faulx Tesmoins & Calomniateurs en crimes d'Impieté, Blasphemes execrables, Heresies, & Crime de leze Majesté Diuine et humaine.

PAR Ordonnance de Honoré du Pin, Iuge subrogé du lieu de Sainte Tulle, à la requeste de Helion Saulteyró, soy disant Procureur Fiscal du dit lieu: faulses informations furent faictes à l'encontre de Iean Belliard Marchand de la ville de Marseille detenu prisonnier és prisons de la Conciergerie à Aix: Accusé faullement par ledit Saulteyró de crime d'impieté, blaspheme execrable, Heresie, de leze Majesté, Diuine & humaine: appellant desdictes procedures & decret

de prise de corps ordonné par ledit du Pin à la requête dudit Procureur Fiscal, soy portant aussi appellant, & se rendant partie, ioinct avec luy Monsieur le Procureur general au procès criminel fait à la requête contre les faux tesmoignages de Ieā Lambellot instigateur, François Hodoulcy deuant Notaire, & Iean Pierre Bremôd Bourgeois de la ville de Manoasque, tesmoins ouys & receus audictes informations faictes en vertu de l'ordonnance cy dessus, & à la requête dudit Saulteyrô lesdits faux tesmoins detenus prisonniers en la Conciergerie du Palais dudit Aix, & deffaut obtenu au profit dudit Belliard cōtre lesdits du Pin & Lambelot deffaillans: Veu aussi le procès verbal contenant plainte au nom dudit Procureur Fiscal pardeuant ledit du Pin, pour estre informé sur les blasphemes pretendus proferez par ledit Belliard audit lieu

de sainte Tulle au logis d'un nommé
Garette, le 9. Decembre 1616. ladicte
informatiō escrite par Lardeyret No-
taire dudit lieu, & signé desdits du Pin
& Saulteyron, le 7. Decembre audit
an, avec le decret de prise de corps
donné par ledit du Pin contre ledit
Belliard du 10. desdits mois & an, Re-
queste présentée par ledit Lambelot
audit du Pin, pour estre receu instiga-
teur contre ledit Belliard du 13. Dé-
cembre audit an : Exploict d'emprison-
nement de la personne dudit Bel-
liard aux prisons susdictes, comme par
prisons empruntées du 14. dudit mois
& an, signé Hodoul. Lettres d'appel
dudit Belliard de ladicte procedure &
decret du 15. dudit mois exploictées
contre ledit Saulteyron en qualité de
Procureur Fiscal dudit lieu de sainte
Tulle le 19. du mesme mois, pour cō-
paroir pardeuant ladicte Cour le pre-
mier iour apres les Roys consecutifs,

& autres procédures faictes en consequence de l'acte de recusation desdits luge & faulx tesmoins. Le tout veu & considéré, dit a esté que la Cour faisant droict audit appel, dit qu'à bon & iuste grief, ledit Belliard a appellé de la procedure & decret dont est question pour auoir esté mal & faullement fabriquez par les pretendus Officiers dudit saincte Tulle, & au moyen de ce a déclaré & declare ledit Belliard innocent du cas & crime à luy calomnieusement imposé, & lesdits Lardeyret, Bremond, & Hodoul Greffier & tesmoins respectiuellement attaints, confez, & conuaincus d'auoir faullement, & par complot fabriqué l'accusation, querelle, information & decret des crimes d'impieté, blasphemés execrables, heresie, & de leze Maiesté, Diuine & humaine, pour reparation desquels les a condânez & condâne à estre liurez es mains

de l'executeur de la haute Iustice, pour estre menez & conduits par tous les lieux & carrefours de ceste ville d'Aix accoustumez, & au deuant la grand porte de l'Eglise Metropolitaine S. Sauueur faire amende honorable en chemise, teste & pieds nuds, la hart au col, ayans vn flâbeaux ardent en leurs mains, & à genoux, demander pardó à Dieu, au Roy, à Iustice, & audit Belliard, & de là conduits à la place des Iacobins, où sur des potées qui pour cest effect y seront dressées, estre lesdits Hodoul & Bremond pendus & estranglez, iusques à ce que mort s'en ensuiue, & ledit Lardeyret Greffier, auoir le poing de la main d'ioicte couppé sur le pilory de ladicte place, & apres ses bras, iambes & reins, serót rompus & brisez, & mis sur vn rouë pour y viure tant qu'il plaira à Dieu. Fait inhibitions & deffences à toutes personnes de luy donner ay de ny se-

cours à peine de la vie , & apres leur mort, seront les testes, & la main droite dudit Lardeyret portées par ledit Executeur audit lieu de sainte Tulle, & les testes desdits Bremond & Hodoul separees aussi de leurs corps portees l'une audit Manosque, & l'autre en la ville de Forcalquier, & mises sur de bigues aux portes desdits lieux & villes. Faisct inhibitions & desfences à toutes personnes de les oster sur peine de punitiō corporelle, & le reste desdits corps portez au lieu patibulaire: a déclaré, & declare tous & chacuns les biens desdits Hodoul, & Lardeyret, acquis, & confisque au Roy, desquels en seront distraicts la somme de deux mil liures, pour les despens, dommages, & interests dudit Belliard. Et auant que d'estre executez seront appliquez à la question & torture ordinaire, & extraordinaire, pour auoir de leur bouche la veri-

ré des complices, & pour ce qui est
dudit Helion Saulteyron, l'a mis &
met hors de Cour & de procez sans
despens. Ordonne que les prisons luy
seront presentement ouuertes, ensem-
ble audit Belliard, & que le Procureur
general du Roy mettra le procès
en estat de iuger contre leſdits Lam-
belot & Dupin deſfaillans dans quin-
zaine preciſément, & Gregoire Me-
lue de la ville de Manoasque, ſera prins
& faiſi au corps, mené & conduit aux
prisons de ce Palais pour y eſtre dete-
nu iuſques autrement ſera ordonné.
Et où apprehendé ne pourra eſtre,
qu'il ſera crié & adiourné à compa-
roir en perſonne pardeuant ladicte
Cour dans trois briefs iours, & tous &
chacuns ſes biens faiſis effectuellemēt
ſoubs la main du Roy par deſcription
& inuentaire: Neantmoins ordonne,
que Ylabeau Berarde, & Claude Lar-
deyret mere & frere reſpectiuement

dudit Barthelemy Lardeyret, se-
 ront traduits à bonne & seure
 garde des prisons de la ville de Mano-
 alque où ils sont detenus à celles de
 ceste ville d'Aix, pour y estre detenus
 iusques autrement sera ordonné. E T
 P R E V O Y A N T auxabus & incon-
 ueniens qui se commettent ordinaire-
 ment aux procédures criminelles fai-
 ctes par les Officiers Subalternes, faict
 inhibitions & deffences à tous Sei-
 gneurs feodataires du present pays de
 Prouëce, de n'establiir qu'un seul Iuge,
 Bayle ou Lieutenât de Iuge, vn Gref-
 fier, & vn seul Procureur Iurisdiction-
 nel de la qualité portée par les Edicts
 & Ordonnances du Roy, Arrests, &
 Reglements de la Cour, sauf en cas de
 recusation ou empeschement, d'en
 subroger & commettre d'autres, le
 tout par actes publicqs enregistrez
 ez registres des Greffes desdits lieux,
 & à ces fins, que les Iuges qui seront

establis par lesdits Seigneurs, seront tenus le presenter, & faire recevoir ez Sieges du ressort, & que les Greffiers tant desdits lieux, que des Sieges, seront tenus de faire registre de toutes les informatiōs & procedures criminelles, & tout incontinent & sans delay bailler extraict audit Substitut du Procureur general du Roy, ou aux Procureurs Iurisdictionnels des decrets, qui seront rendus sur lesdictes informations, & ausdits Procureurs Iurisdictionnels d'aduertir incontinent les Seigneurs ou Rentiers des lieux pour fournir aux fraiz & poursuittes necessaires, & ausdits Greffiers en cas d'appel, ou d'euocation, d'apporter ou faire porter les informatiōs & procedures criminelles closes & sceellées, à peine de milli liures d'amēde, suspension de leurs charges, & autre arbitraire, & aux Seigneurs desdits lieux, de respondre ciuilemēt des def-

pens, dommages, intereſts des parties pour la faute de leurs Officiers, & à ce que nul n'y pretende cauſe d'ignorance, ordonne que extraicts du preſent Arreſt ſeront expediez audit Procureur general du Roy, pour eſtre mādrez partous les Sieges de ce reſſort, pour y eſtre publié, enregiſtré, gardé, & obſervé ſelon ſa forme & teneur. Fait au Parlement de Prouence ſeant à Aix, & publié à la Barre, & auſdits Hodoul, Bremond, & Lardeyret en Conciergerie, leſquels ont eſté appliquez à la queſtion & torture, la Cour ſeant, & ſur les cinq heures du ſoir executez à mort, ſuiuant la forme & teneur dudit Arreſt, le 26. Feurier 1619.

Collation eſt faicte.

Signé ROYX.



AVTRE ARREST DONNE'

par deffaut contre ledit du Pin & autres Officiers de la Iustice de sainte Tulle qui ont esté attaincts & convaincus du complot malheureusement fait contre ledit Belliard, accusé Et complaignant, ainsi et en la maniere qui s'ensuit.

DICT A ESTE' que la Cour iugeant l'entier profit & utilité desdits deffauts, a déclaré & declare ledit Honoré Dupin, Esprit Ventier, Gregoire Melue, & Iean Lambellot deffaillants, attaints & convaincus respectivement d'avoir faullement, & par complot fabriqué & fait fabriquer l'accusation querellée, information & decret des crimes d'impieré, blasphemies execrables, heresie de leze Majesté Divine & hu-


maine: Pour reparation desquels les
a condamnez & condamne à estre
liurez és mains de l'Executeur de la
haute Iustice, pour estre menez & cō-
duits par tous les lieux & carrefours
accoustuméz de ceste ville d'Aix, &
au deuant la grand porte de l'Eglise
Metropolitaine S. Sauueur, faire amē-
de honorable en chemise, teste &
pieds nuds, la hard au col, ayant chacū
d'iceux vn flambeau ardent en ses
mains, & à genoux demander pardō
à Dieu, au Roy, à Iustice, & audit Bel-
liard, & delà conduits à la place des
Iacobins, où sur le Pillorj d'icelle auoir
ledit Dupin le poing de la main droi-
cte couppé, & apres auoir ses bras, jã-
bes & reins rompus & brisez, & mis
en cet estat sur vn rouë pour y viure
tant qu'il plaira à Dieu. Faiet inhibi-
tions & deffences à toutes personnes
de luy donner ayde ny secours à peine
de la vie: Et lesdits Ventier, Lâbellot,


& Melue auoir la langue couppée sur ledit Pilory par ledit Executeur, & apres bruslez tous vifs, & les cendres iettées au vent, si apprehédez peuuét estre, sinon seront executez en effigie: neantmoins a déclaré & declare tous & chacuns leurs biens acquis, & confisque au Roy, distraict & reserué la somme de deux milliures que ladicte Cour adiuge audit Belliard pour ses despens, dommages & interelts & iniures. Cinq cens liures à piteux vsages, distribuables à l'arbitrage de la Cour, & cinq cens liures pour la reparation du Palais, qui serōt remises par deuers le Greffe Criminel d'icelle, pour toutes lesquelles amendes reseruées de ladicte confiscation, ensemble pour celles adiugees par l'Arrest du 20. Feurier dernier, seront fāt lesdits Dupin, Ventier, Melue, Lambello, que Barthelemy Lardeyret, François Hodoul & Iean Pierre Bremond, con-


trainct l'un pour l'autre, & vn d'eux
 seul pour le tout. Ordonne aussi que
 le procès sera instruit cōtre Estienne
 Ventier autre querellé, pour ce faiēt
 estre ordonné ce que de raison : Et
 que Honoré, Iean & Claude Lardey-
 ret freres, seront adiournez à compa-
 roir en personne pardeuant ladiēte
 Cour, pour respondre sur certains
 faits resultans du procez, dont ilz se-
 ront interrogez par le Commissaire
 député, pour leur responce commu-
 niquées au Procureur general du Roy
 & rapportez estre ordonné à ce que
 de raison. Faiēt au Parlement de
 Prouence, seant à Aix, & publié à la
 Barre le 15. Auiil 1619.


Collation est faicte.


Signé ROVX.




















1797

1798

1799

1800

1801

